

立杜賣盡根水田屋宇山林埔藪契字人鄒阿來，緣因道光拾五年冬明買得李家有田業壹處，土名係照鏡坑庄。其田業：東至龍崗頂水流內，與魏家毗連，直透至自己田竹塋橫過爲界；西至葉家屋背左邊竹頭，外由坎眉水流內，透上龍崗頂分水，由山嘴下橫過，至坑底爲界；南至田塋面內伯公，外由龍崗頂水流內，透下至自己田尾爲界；北至龍崗頂天水流內與田家毗連，由崩坎眉透下，至坑底爲界。四址全中踏明，每年原納番業主額租捌斗正。原帶本坑陂頭圳水通流灌溉，又帶茅屋壹座間數不計，以及門窓、戶扇、桁桷、牛欄、豬欄、風圍、竹木、禾埕、菜園、菓樹等項一應在內，管守無異。茲因乏銀別創，愿將此業出賣，先問房親，俱各不欲承就，外托中保送與陳萬傳兄出首承買，憑中三面言斷定照依時值杜賣盡根價銀壹百大員正色現親收足訖，中間並無債貨準折短少。保此田業等件，實係自己承買李家之業，與房親人等無涉，亦無重張典掛他人爲碍。來自賣以後，一賣干休，永斷葛藤，界址內寸土無留，界內所有物業概行盡根踏付與買主傳前去掌管，割佃納租，永爲己業，日後價重千金來不得言及增贖等因。倘有上年來歷不明，拖欠租粟等弊，係賣主一力抵當，不干承買人之事。此係價極業盡，二比甘愿，兩無反悔，恐口無憑，立杜賣盡根水田屋宇山林埔藪契字壹紙，又帶上手老契四紙，合共五紙，付執爲炤。

即日批明：來實收到契內佛面銀壹百大員正足訖，批炤。

在見田阿祖

爲中人李光淑 葉阿石

在場田魏大九

儻彭有福

代筆人潘來旺 在場男 阿基

道光貳拾柒年丁未歲拾月 日 立杜賣盡根水田山林埔藪屋宇契字人鄒阿來